



# FORCA JONË

\* \* \* Viti VI • Nr. 57 • Maj 2017 • Ministria për Forcën e Sigurisë të Republikës së Kosovës \* \* \*

## Ministri i FSK-së Haki Demolli u takua me Ministrin e Mbrojtjes të Kroacisë, Damir Krstiqeviq

Ministri i Ministrisë për Forcën e Sigurisë së Kosovës(MFSK), zotëri Haki Demolli, më 28 prill 2017, u takua në Split, me Ministrin e Mbrojtjes të Kroacisë, zotëri Damir Krstiqeviq.

Ministri Demolli fillimisht falënderoi Ministrin Damir Krstiqeviq për ftesën si dhe për gjithë angazhimin e tij personal dhe të Ministrisë së Mbrojtjes të Republikës së Kroacisë në drejtim të avancimit të marrëdhënieve miqësore ndërmjet Ministrisë së FSK-së dhe Ministrisë së Mbrojtjes të Kroacisë. Nga ana e tij, ministri Demolli, tha gjithashtu; "se roli i Kroacisë si vend anëtar i NATO-s, përkatësisht roli i Ministrisë së



Mbrojtjes dhe Forcave të Armatosura Kroate, është jashtëzakonisht i rëndësishëm krahas edhe partnerëve tjerë strategjik, për ngritjen, avancimin si dhe anëtarësimin e Republikës së Kosovës në iniciati-

va dhe organizma rajonal dhe më gjerë të sigurisë. Gjithashtu, ministri Demolli, u shpreh se Ministria për Forcën e Sigurisë së Kosovës dhe Forca e Sigurisë së Kosovës si dy institucione për të cilat

Republika e Kosovës është duke u angazhuar që t'i avancojë në mandat dhe detyra, dhe duke qenë se për transformimin e FSK-së në Forca të Armatosura përveç vullnetit të brendshëm nevojitet edhe transparencë për procesin si dhe mbështetje nga partnerët strategjik të Republikës së Kosovës dhe vendeve siç është Kroacia e cila ka mbështet FSK-në, që nga ngritja e saj dhe vazhdon të jetë një prej vendeve që ofron shumë përkrahje. Nga ana e tij, ministri i Mbrojtjes të Kroacisë, zotëri Damir Krstiqeviq falënderoi ministrin Demolli, për vizitën si dhe shprehu gatishmërinë që marrëdhëniet e mira bilaterale ndërmjet dy institucion-

eve dhe dyja shteteve do t'i avancojnë më tutje edhe me një përkushtim edhe më të madh edhe në të ardhmen. Gjatë vizitë në Kroaci, ministri i FSK-së, z.Haki Demolli takoi edhe dy nënoficerët e FSK-së, të cilët gjenden për shkollim atje: rreshter major i komandës Xhevdet Mataj dhe rreshter major Rexhep Bytyqi. Ministri Demolli i shoqëruar edhe nga këshilltari i tij ushtarak, kolonel Fadil Hadergjonaj po qëndron në Kroaci, me ftesë të ministrit të Mbrojtjes të Republikës së Kroacisë, zotëri Damir Krstiqeviq, dhe ka marrë pjesë në panairin e 4-të të Mbrojtjes dhe Hapësirës Ajrore të Detit Adriatik (ASDA 2017), i cili u mbajt në Split.

## Komandanti i FSK-së gjenerallejtënant Rahman Rama priti komandantin e Gardës së Ohajo-s gjeneralmajorin John Harris

Komandanti i Forcës së Sigurisë së Kosovës (FSK), gjenerallejtënant Rahman Rama, më 25 prill 2017, priti në takim pune komandantin e Gardës Kombëtare të Ohajos së Shteteve të Bashkuara të Amerikës (SHBA), gjeneralmajor John Harris, i shoqëruar nga atasheu ushtarak amerikan pranë ambasadës së SHBA-ve në Prishtinë, kolonel Jeffery Fischer si dhe oficerë tjerë të lartë. Gjeneral Rama me këtë rast e ka falënderuar gjeneralin Harris për kontributin që Ushtria Amerikane është duke dhënë në kuadër të KFOR-it, për 18 vjet me radhë, në

mënyrë që në Kosovë të ketë një ambient të qetë dhe të sigurt. Po ashtu, gjeneral Rama ka shprehur mirënjohjen e tij për kontingjentin amerikan nga kampi ushtarak „Bondsteel" për përkrahjen e dhënë FSK-së në përgjithësi dhe në veçanti për zhvillimin e kapaciteteve trajnuese të Komandës së Doktrinës dhe Stërvitjes së FSK-së (TRADOK) në Ferizaj. Gjatë takimit Komandanti i FSK-së, gjenerallejtënant Rahman Rama e ka njoftuar gjeneralin Harris edhe për procesin e transformimit të FSK-së në Forca të Armatosura të Kosovës (FAK),



përgatitjet e bëra, planifikimet dhe procedurat që janë zhvilluar deri në sot, si nga ministria ashtu edhe në nivel qeveritar e shtetërorë. Me këtë

rast ai e njoftoi gjeneralin Harris edhe me përqindjen e lartë të numrit të komuniteteve pakicë që janë duke shërbyer në radhët e FSK-së si

dhe me aktivitetet konkrete që janë duke u bërë për inkadrimin e sa më shumë pjesëtarëve të rijnë të komuniteteve pakicë. Gjeneral Harris është ndarë i kënaqur me arritjet e FSK-se sidomos me zhvillimin e pjesëtarëve të saj. Është mbresëlënëse tha ai, që pjesëtarët e FSK-së janë shumë të suksesshëm në shkollat dhe kurset ndërkombëtare ku po marrin çmime të larta për performancën e shkëlqyer. Po ashtu gjenerali Harris shprehi gatishmërinë për të përkrahur FSK-në në zhvillimin dhe përmirësimin e kapaciteteve të saj.

Në FSK u mbaj Konferenca "FSK-Partnerët"

## Ministri Demolli: Vendet partnere kanë rol të madh në avancimin profesional dhe rritjen e kapaciteteve të FSK-së

Në Ministrinë për Forcën e Sigurisë së Kosovës(MFSK), më 20 prill 2017, filloi punimet konferenca treditore, e gjashta me radhë, „FSK dhe Partnerët", me pjesëmarrje të përfaqësuesve të ushtrive të vendeve partnere të MFSK-së dhe FSK-së dhe institucioneve vendore të fushës së sigurisë. Me këtë rast, në fjalën e hapjes së punimeve të konferencës, ministri Haki Demolli tha se, qëllimi i konferencës „FSK dhe Partnerët" është rritja e bashkëpunimit të MFSK/FSK-së dhe shteteve partnere si dhe sinkronizimi i aktiviteteve në mënyrë që MFSK dhe FSK të kenë mbështetje për t'u zhvilluar në Forcë të aftë dhe profesionale. Më tej, ministri Demolli tha se shtetet, përkatësisht ushtritë partnere të FSK-së kanë një rol të madh në avancimin e aftësive dhe kapaciteteve të saj. Zotëri Demolli shtoi gjithashtu se, të gjitha arritjet FSK-ja i ka bërë në bashkëpunim me partnerët e saj bilateral dhe me mbështetjen e tyre

të përditshme, në përputhje të plotë me standardet e NATO-s. Ministri i FSK-së, z. Haki Demolli, duke folur për procesin e transformimit tha se, zhvillimi i FSK-së në një fazë të ardhshme është thelbësore për Republikën e Kosovës, për qytetarët dhe komunitetet që jetojnë këtu. „Ne mund të qëndrojmë të gatshëm të mbështesim institucionet tona, duke arritur qëllimin tonë për të qenë një Forcë për të mirën e vendit tonë, kontribuuese e paqes dhe sigurisë në rajon dhe për t'u përballur me sfidat e sigurisë së bashku për një botë më të sigurt". Në fund, ministri Demolli tha se MFSK dhe FSK në këtë konferencë do të paraqesin para jush arritjet, kërkesat për mbështetje në fushat të cilat i kemi identifikuar si më të rëndësishme për t'i zhvilluar më tej aftësitë tona, dhe besoj shumë, ashtu siç deri më tani, mbështetja juaj do të jetë e fuqishme. Ndërsa, në fjalën e tij komandanti i Forcës së Sigurisë së Kosovës, gjenerallejtënant

Rahman Rama falënderoi atashetë ushtarakë të vendeve partnere, pjesëmarrëse në konferencë, për kontributin e vazhdueshëm që vendet e tyre kanë dhënë dhe po vazhdojnë të japin për ndërtimin, zhvillimin dhe profesionalizmin e FSK-së. Me nga një fjalë përsëritëse në konferencë u paraqitën edhe komandanti i KFOR-it, gjeneral Giovanni Fungo dhe drejtori i Ekipit Këshillues dhe Ndërlidhës i NATO-s për MFSK/FSK-në, gjeneral Dietmar Mosmann. Në seancën plenare, kryesuesi i konferencës, nënkolonel Ali Krasniqi, ushtrues i detyrës së drejtorit të Departamentit për Bashkëpunim dhe Siguri prezantoi të arriturat e fundit të FSK-së në fushën e bashkëpunimit dhe sigurisë, ndërsa nënkolonel Enver Voca paraqiti një ekspozë të angazhimeve të FSK-së në ushtrimet jashtë vendit. Ndërkaq, atashetë e vendeve si Shqipëria, Kroacia, Gjermania, Turqia, Mbretëria e Bashkuar dhe Shtetet e



Bashkuara të Amerikës, oficerët kolonel Ahmet Leka, nënkolonel Mladen Cernicki, nënkolonel Martin Herrmann, nënkolonel Rusen Abidinoglu, nënkolonel Richard Perry dhe nënkolonel Brian Delvin paraqitën propozim-ofertat dhe kapacitetet mbështetëse, të cilat janë vënë në dispozicion të Forcës së Sigurisë së Kosovës për vitin 2017 dhe 2018. Në konferencën „FSK dhe Partnerët" po marrin pjesë atashetë e akredituar në Kosovë dhe rajon të shteteve partnere si: Shqipëria,

Kroacia, Belgjika, Sllovenia, Republika Çeke, Gjermania, Hungaria, Italia, Japonia, Maqedonia, Holanda, Turqia, Mbretëria e Bashkuar, Shtetet e Bashkuara të Amerikës si dhe atashetë e FSK-së të akredituar në SHBA, Turqi, Belgjikë, Shqipëri, Suedi, Gjermani dhe Turqi, gjithashtu edhe përfaqësues nga Ministria e Punëve të Jashtme, Ministria e Integriteteve Evropiane, Ministria e Punëve të Brendshme, Policia e Kosovës dhe Agjencia për Menaxhimin e Emergjencave.





**Ministri Haki Demolli takohet me presidenten kroate, Kolinda Grabar -Kitaroviq**

Ministri i Forcës së Sigurisë së Kosovës(MFSK), z. Haki Demolli me ftesë të ministrit të Mbrojtjes të Republikës së Kroacisë, z.Damir Krstiqeviq, po qëndron për një vizitë zyrtare në Kroaci për të marrë pjesë në panairin e 4-të të Mbrojtjes dhe Hapësirës Ajrore të Detit Adriatik(ASDA 2017), i cili mbahet në Split. Ministri Demolli gjatë qëndrimit atje, zhvilloi një takim edhe me presidenten e Republikës së Kroacisë, znj. Kolinda Grabar-Kitaroviq. Në takimin e për-

bashkët ministri Demolli dhe presidentja kroate, znj.Kitaroviq, biseduan për marrëdhëniet e mira në mes dy vendeve, me theks të veçantë në fushën e sigurisë, si dhe për bashkëpunimin e shkëlqyer në mes Ministrisë për Forcën e

Sigurisë së Kosovës dhe Ministrisë së Mbrojtjes të Republikës së Kroacisë. Ministri Demolli, në kuadër të vizitës së tij, pritet të vazhdojë agjendën e takimeve me personalitete të rëndësishëm të shtetit kroat dhe shteteve tjera pjesëmarrëse.

**Komandanti i FSK-së, gjeneralallejtënant Rahman Rama në ceremoninë e diplomimit të kadetëve të FSK-së në Akademinë Ushtarake Mbretërore Sandhurst në Londër**

Nëntoger Xhevahir Hasanaj fitoi medaljen "Kadeti më i mirë ndërkombëtar" në Akademinë Ushtarake Mbretërore në Sandhurst. Komandanti i Forcës së Sigurisë së Kosovës, gjeneralallejtënant Rahman Rama në kuadër të vizitës zyrtare në Mbretërinë e Bashkuar, më 13 prill 2017, mori pjesë në ceremoninë e diplomimit të kadetëve-oficerë në Akademinë Ushtarake Mbretërore në Sandhurst, ku diplomuan nëntogerët e FSK-së; Xhevahir Hasanaj dhe Arlind Bajrami. Kryeministria e Mbretërisë së Bashkuar zonja Theresa May ishte ajo e cila i inspektoi kadetët dhe në emër të lartmadhërisë së saj Mbretëreshës

Elisabetë, ndau medalje për nëntogerin Xhevahir Hasanaj si dhe certifikata për kadetët të cilët mbaruan studimet atje. Me rastin e dhënies së medaljes oficerit të FSK-së, Xhevahir Hasanajt, kadetit me rezultatet më të larta nga të gjithë oficerët-kadetë ndërkombëtarë, komandanti i FSK-së, gjeneralallejtënant Rahman Rama tha se, rezultati i shkëlqyer i oficerit të FSK-së ka rëndësi të veçantë jo vetëm për Forcën e Sigurisë së Kosovës por edhe për gjithë Kosovën. "Jam i privilegjuar që gjendem sot, këtu, në cilësinë e komandantit, për të nderuar këtë ngjarje madhështore të organizuar nga kjo Akademi me nam, e cila çdoherë po nxjerr oficerë që po na

bëjnë krenarë me rezultatet e tyre",- tha gjeneral Rama. Në këtë ceremoni përveç komandantit të FSK-së, gjeneral Rama, ishte i pranishëm edhe Presidenti i Republikës, zotëri Hashim Thaçi; ambasadori i Kosovës në Mbretërinë e Bashkuar, zotëri Lirim Graiçevci; pastaj kolonel Xhevahir Geci, ushtrues detyre i

komandantit të Brigadës për Reagim të Shpejtë(BRSH), nënkolonel Ali Krasniqi, shef i Departamentit për Bashkëpunim e Siguri në Ministrinë për Forcën e Sigurisë së Kosovës, si dhe nënkolonel Gregor Lindsay. Pas 12 muajsh shkollimi në Akademinë Mbretërore Ushtarake në Sandhurst të Britanisë së Madhe, sot oficeri i Forcës së Sigurisë së Kosovës, Xhevahir Hasanaj fitoi medaljen "Kadeti ndërkombëtar më i mirë". Kjo është hera e dytë që një oficer kadet nga Kosova fiton çmim si kadeti më i mirë ndërkombëtar, duke pasur parasysh që në vitin 2015 nëntoger Ismail Hoxha pati fituar shpatën e argjendtë.



**Ministri Haki Demolli zhvilloi takim me deputetët e Parlamentit Evropian**

Ministri i Ministrisë për Forcën e Sigurisë së Kosovës (MFSK), z. Haki Demolli, në Ambientet e Kuvendit të Republikës së Kosovës, më 20 prill 2017, zhvilloi takim me deputet e Parlamentit Evropian, z. Tonino Picula nga Kroacia, z. Angle Dizhambazki nga Bullgaria, z. Lars Adaktusson dhe z. Jasenko Selimoviq nga Suedia, z. Julie Ward nga Mbretëria e Bashkuar, z. Igor Soltes nga Sllovenia të shoqëruar edhe nga shefja e Zyrë së Bashkimit Evropian në Kosovë, Natalia Apostolava. Në takimin e përbashkët të Ministrit Demolli dhe deputetëve të Parlamentit

tucionet tonë. Ministri Demolli i informoi deputetët e Parlamentit Evropian mbi përgatitjet, diskutimet dhe planet e Ministrisë për FSK për transformimin e FSK-së në FAK duke theksuar se „Plani ynë rreth transformimit është plotësisht transparent dhe i koordinuar mirë me partnerët tanë strategjik".Gjithashtu, ministri Haki Demolli i njoftoj euro deputetët edhe mbi të arriturat dhe sukseset në integrimin e komuniteteve në FSK e gjithashtu edhe për vëmendjen që i kushtohet barazisë gjinore në MFSK dhe FSK. Më tej, Ministri Demolli lidhur më këtë tha se është

në fazën finale përgatitja e strategjisë për përfaqësimin e komuniteteve dhe sistemimin e ngritjen ne karrierë të pjesëtarëve të komuniteteve që tashmë janë pjesë e FSK. Në takim, përveç ministrit Haki Demolli morën pjesë edhe zëvendësministri i MFSK-së, z. Muhamet Latifi, ambasadori i Kosovës në Belgjikë, z. Bernard Nikaj dhe shefi i kabinetit të Ministrit, z. Latif Leka. Në fund, deputet falënderuan ministrin e FSK-së Haki Demollin për takimin produktiv dhe shprehen falënderimin e tyre ndaj ministrit dhe institucionit



**Ministri Haki Demoli dhe komandanti i FSK-së gjeneralallejtënant Rahman Rama bënë homazhe në Koshare**

Të dielën, më 09 prill 2017, ministri Haki Demoli dhe komandanti i Forcës së Sigurisë të Kosovës (FSK) gjeneralallejtënant Rahman Rama të shoqëruar nga zëvendësministri Muhamet Latifi, kanë marrë pjesë në manifestimin "Ditët e shqipes" që u kushtohet luftëtarëve të rënë të "Brigadës 138 Agim Ramadani", në betejën e UÇK-së në Koshare, manifestim ky i organizuar nën patronatin e kryeministrit të Qeverisë së Kosovës Isa Mustafa. Me këtë rast ministri dhe komandanti së bashku me bashkëpunëtorë banë homazhe në varrezat e dëshmorëve në kompleksin memorial në Koshare. Po ashtu ata takuan shumë familjarë të dëshmorëve me të cilët biseduan për zemërsisht duke shprehur mirënjohjen për sakrificën sublime të dëshmorëve të rënë në altarë të lirisë në luftën çlirimtare dhe respekt për pasardhësit dhe familjarët e tyre. Ata vlerësuan lartë të rënë në këtë betejë të lavdishme e cila theu kufirin e imponuar forcërisht ndërmjet shqepëtave, betejë që së bashku me të gjitha betejat e luftës së UÇK-së i sollën lirinë Kosovës. Liri të cilën e gëzojmë ne sot në Kosovën e lirë dhe të pavarur, që ishte ëndrra dhe amaneti i të gjithë dëshmorëve të luftës së UÇK-së. Pjesëmarrës në këtë manifestim dhe pjesë e delegacionit të MFSK-së dhe FSK-së ishin edhe zëvendës komandanti i Komandës së Forcës Tokësore të FSK-së gjeneral brigade Gëzim Hazrolli, gjeneral brigade Nazmi Brahimaj shef i departamentit të Operativës dhe Trajnimeve, kolonel Fadil Hadergjonaq këshilltar ushtarak i ministrit, këshilltarët politik Rexhep Leci dhe Shkelzen Feka. Në kuadër të organizimit të manifestimit kanë mbajtur fjalime; presidenti i Kosovës zoti Hashim Thaçi, kryeministri i Kosovës zoti Isa Mustafa dhe ish komandanti i "Brigadës 138 - Agim Ramadani"

të UÇK-së Rrustem Berisha. Manifestimi u përmbyll me pika muzikore dhe artistike me tematikë nga betejat e lavdishme e Koshares dhe heroizmi i të rënëve në luftën çlirimtare.





## Zëvendësshefi i shtabit të Forcave të Armatosura të Republikës së Shqipërisë, Gjeneral brigade Dedë Prenga vizitoi Forcën e Sigurisë së Kosovës

Drejtori i Drejtorisë për Operacione në Ministrinë e Forcës së Sigurisë të Kosovës, gjeneral brigade Zymer Halimi, zëvendës komandanti i Forcave Tokësore, gjeneral brigade Gëzim Hazrolli dhe shefi i Operativës nga Komanda e Forcave Tokësore, kolonel Bashkim Shillova, më 14 prill 2017, pritën në vizitë

zëvendësshefin e Shtabit të Forcave të Armatosura të Shqipërisë, gjeneral brigade Dedë Prenga. Vizita është realizuar në kuadër të bashkëpunimit ushtarak në mes dy vendeve. Me këtë rast oficerët e lartë nga Forcat e Armatosura të Republikës së Shqipërisë u njoftuan për të arriturat e Forcës së Sigurisë së Kosovës në të

gjitha fushat e angazhimit, operacional dhe taktik, procesin e transformimit të FSK-së dhe sfidat e saj. Në këtë takim u çmua lartë bashkëpunimi i ndërsjellët në mes dy vendeve dhe të dy palët u dakorduan për thellimin e bashkëpunimi për të ardhmen në të gjitha fushat, me interes të avancimit të sigurisë rajonale dhe globale.



## Gjeneral Gëzim Hazrolli priti në vizitë komandantin e kontingjentit gjerman të KFOR-it në Kosovë



Zëvendëskomandanti i Komandës së Forcave Tokësore(KFT), gjeneral brigade Gëzim Hazrolli, më 25 prill 2017, ka pritur në takim, në ambientet e kazermës "Adem Jashari", komandantin e kontingjentit gjerman të KFOR-it në Kosovë, kolonel Jochen Gumprich, të cilin e njoftoi për rrjedhat aktuale në Forcën e Sigurisë së Kosovës, e në veçanti në Komandën e Forcave

Tokësore, si dhe për aktivitetet që janë duke u realizuar dhe ato të cilat janë në planifikim për të ardhmen. Gjeneral Hazrolli e falënderoi komandantin e kontingjentit gjerman kolonelin Gumprich për kontributin dhe mbështetjen që, ai dhe vendi i tij, i ka dhënë në vazhdimësi Forcës së Sigurisë së Kosovës, që nga themelimi i saj në vitin 2009 e deri më sot, duke e ndihmuar në ngritjen e

saj profesionale në të gjitha fushat, qoftë me trajnime të ndryshme dhe shkëmbim përvojash, qoftë me donacione. Koloneli Jochen Gumprich falënderoi gjeneral Hazrollin për pritjen dhe bashkëpunimin, duke theksuar se Gjermania në vazhdimësi ka qenë mbështetëse e shtetit të Kosovës dhe FSK-së dhe se këtë bashkëpunim do ta vazhdojë edhe në të ardhmen.

## Kontingjenti i Forcës së Sigurisë të Kosovës merr pjesë në Ushtrimin "Biza 17-01" në Shqipëri

Një kontingjent prej 12 pjesëtarëve të Forcës së Sigurisë së Kosovës u nisën më 11 prill 2017, për në Republikën e Shqipërisë, për të marrë pjesë në Ushtrimin "Biza 17-01", ushtrim Vendkomandë / i asistuar me kompjuter. Ky ushtrim do realizohet në dy periudha nga 09-14.04.2017 dhe 17-20.04.2017 në Qendrën Simulantëve të Forcave të Armatosura të Shqipërisë në Tiranë, ushtrimi do realizohet në madhësi të Grup batalionit të këmbësorisë. Për t'i përshëndetur dhe uruar suksese pjesëtarëve që do marrin pjesë në këtë trajnim të pranishëm ishin edhe shefi i Shtabit të Komandës së Forcave Tokësore ( KFT), kolonel Naim Haziri si dhe shefi i Operativës të KFT-së, kolonel Bashkim Shillova. Më këtë rast kolonel Haziri ju uroj suksese pjesëmarrësve dhe njëherë kërkoi



nga ta angazhim maksimal gjatë këtyre dy javëve, duke shtuar "Forca e Sigurisë së Kosovës nuk merr pjesë vetëm simbolikisht në trajnime të tilla por gjithmonë arrijnë të tregojnë rezultate të larta në trajnime të ndryshme, edhe nga ju kërkoi që të ktheheni me rezultate të shkëlqyera, dhe të jeni të gatshëm që njohurit e fituara gjatë këtyre ditëve t'i implementoni edhe në FSK". Ndër tjera shefi i Shtabit të KFT-së, kërkoi që pjesëtarët e FSK-së të tregojnë disiplinë, të bashkëpunojnë ndërmjet vetë dhe të respektojnë urdhrat e udhëheqësit të tyre. Ky ushtrim si dhe ushtrime të mëhershme janë duke u realizuar në kuadër të bashkëpunimit Bilateral që Republika e Kosovës, përkatësisht Forca e Sigurisë së Kosovës ka me Republikën e Shqipërisë dhe Forcat e saj të Armatosura.

## Zyrtarët për Bashkëpunim Civilo-Ushtarak të FSK-së dhe KFOR-it mbajtën takim të përbashkët

Në organizim të Departamentit për Bashkëpunim Civilo-Ushtarak(BCU) të Ministrisë për Forcën e Sigurisë së Kosovës(MFSK), më 27 prill 2017, në mjediset e Ministrisë u mbajt takimi i radhës i përfaqësuesve të KFOR-it, ku pjesëmarrës ishin ekipet e Bashkëpunimit Civilo-Ushtarak(CIMIC), JRD, LMT të KFOR-it dhe Ekipi Këshillues dhe Ndërlidhës i NATO-s për MFSK/FSK (NALT). Fillimisht nga një fjalë rasti mbajtën drejtori i Drejtorisë për Operacione, gjeneral brigade

Zymer Halimi dhe drejtori i Departamentit të BCU, zotëri Hajrush Kurtaj. Gjeneral Halimi gjatë fjalës së tij vlerësoi lartë bashkëpunimin dhe bashkërendimin e aktiviteteve të BCU-së të MFSK-së dhe NALT-it me ekipet e CIMIC të KFOR-it. Ai po ashtu u shpreh se vazhdimi i këtij bashkëpunimi forcon frymën e bashkëpunimit edhe me qytetarët e Kosovës dhe në dobi të tyre. Në vazhdim të takimit, zyrtari i Departamentit për Bashkëpunim Civilo - Ushtarak të MFSK/FSK, zotëri

Agron Durmishi bëri një prezantim të hollësishëm të aktiviteteve të BCU-së në këtë fushe me mjaft rëndësi për MFSK-në dhe FSK-në. Gjithashtu lidhur me punën dhe aktivitetet rreth fushës së bashkëpunimit referuan edhe oficerët dhe nënoficerët e KFOR-it, NALT-it, JRD-së dhe LMT-së. Qëllimi i këtij takimit ishte koordinimi dhe bashkërendimi i aktiviteteve në mes ekepeve të BCU-së të MFSK/FSK-së dhe CIMIC-ut të KFOR-it, për realizimin e projekteve të përbashkëta në muajt në vazhdim.





# Nëntogeri i FSK-së, Xhevahir Hasanaj shpallet kadeti më i mirë i huaj në Akademinë Ushtarake Mbretërore Sandhurst në Britani të Madhe

Oficeri i Forcës së Sigurisë të Kosovës nëntoger Xhevahir Hasanaj më 13 prill 2017, morri çmimin e kadetit më të mirë në fushën ushtarake, akademike dhe praktike në Akademinë prestigjioze Sandhurst të Mbretërisë së Bashkuar. Çmimin nëntogerit Xhevahir Hasanajt, ia dorëzoi kryeministrja e Britanisë së

Madhe, znj. Theresa May. Këtë viti në Akademinë Ushtarake Mbretërore Sandhurst në Britani të Madhe kanë diplomuar dy oficerë të rinj të FSK-së, Xhevahir Hasanaj dhe Arlind Bajrami. Ndryshe, kjo është hera e dytë që kadetët e FSK-së marrin këtë çmim në Akademinë Ushtarake Mbretërore Sandhurst në Britani

të Madhe. Herën e parë kadeti më i mirë ishte shpallur oficeri i FSK-së, Ismail Hoxha i cili kishte pranuar çmimin "Shpata e Nderit" si kadeti më i mirë ndërkombëtar duke u bërë i pari përfaqësues ushtarak nga Ballkani që merr një çmim të tillë në Akademinë Mbretërore Ushtarake "Sandhurst".

Intervistë me nëntogerin e FSK-së, Xhevahir Hasanaj, i cili u shpall kadeti më i mirë në Akademinë Mbretërore Ushtarake Sandhurst të Mbretërisë së Bashkuar

## Ky çmim është tejet i rëndësishëm për mua, Forcën e Sigurisë së Kosovës dhe Kosovën



**Gazeta "Forca Jonë":** Si ju lindi dëshira për t'u bërë kadetë i Qendrës për Studime Universitare të FSK-së?

**Nëntoger Hasanaj:** Qysh kur kamë qenë i vogël kam pasur një dëshirë të madhe t'i shërbej vendit, e pastaj duke u rritur në një vend ku u zhvillua një luftë jashtëzakonisht e madhe, kjo dëshirë sa vinte e rritej edhe më shumë. Kështu si i ri fillova të interesohesha për profesionin e ushtarakut. Në vitin 2010 mësova për shkollimin që ofrohej në Qendrën për Studime Universitare dhe iu përkushtova në tërësi përgatitjeve për t'u regjistruar në këtë shkollë. Shkollimin e fillova në vitin 2011 me një motiv jashtëzakonisht të lartë dhe mjaft i lumtur që ëndrra ime po bëhej realitet.

**Gazeta "Forca Jonë":** Cilat ishin sfidat me të cilat u ballafaqove gjatë shkollimit në QSU?

**Nëntoger Hasanaj:** Si i ri i ardhur nga bankat e shkollës së mesme, i pa mësuar me rregulla dhe disiplinë, sigurisht se fillimi i një jete ndryshe, me disiplinë të lartë dhe me rregulla rigoroze ushtarake, në fillim ishte sfidë e madhe për mua. Pastaj shumë shpejt, meqë e kisha ëndërr këtë profesion, fillova të përshatam me këtë jetë. Sfidë po ashtu ka qenë edhe vijimi i studimeve në dy fakultet të ndryshme ushtarake, në QSU dhe në Universitetin Amerikan në Kosovë. Të gjitha këto sfida mund të them se i kam kaluar pa ndonjë vështirësi të madhe, falë dëshirës dhe motivit të lartë për ta bartur uniformën e FSK-së.



**Gazeta "Forca Jonë":** Si oficer i FSK-së, për një vit keni studiuar edhe në Akademinë Mbretërore Ushtarake Sandhurst të Anglisë?

**Nëntoger Hasanaj:** Në Angli kam shkruar në mars të vitit 2016. Fillimisht kam ndjekur një kurs përgatitor deri më 8 maj kur edhe kam filluar shkollimin në Sandhurst. Për të vijuar këtë shkollim kam kaluar fazën e përgjedyshës në Kosovë në Komandën e Doktrinës dhe Stërvitjes, ku kemi konkurruar 11 nëntogerë dhe prej tyre dy jemi përzgjedhur për shkollim në Angli. Në Komisionin Përzgjedhës ka qenë gjeneral Gëzim Hazrolli, një kolonel nga forcat britanike si dhe një kolonel nga ushtria amerikane. Procesi i përzgjedhjes ka qenë plotësisht i njëjtë me procesin e përzgjedhjes së kadetëve anglezë. Akademia



profesionale, duke dëshmuar kështu se e meritojë një çmim të tillë. Jam testuar jashtëzakonisht shumë në detyra të ndryshme si komandant skuadre, komandant togu, rreshter major kompanie e deri te komandant kompanie. Të gjitha këto detyra i kam kryer me sukses shumë të mirë, duke ja shtuar kësaj edhe rezultatet e larta fizike dhe akademike, më është ndarë çmimi i kadetit me të mirë ndërkombëtar.

**Gazeta "Forca Jonë":** Si ishte momenti i pranimit të çmimit nga znj. Theresa May, kryeministre e Mbretërisë së Bashkuar?

**Nëntoger Hasanaj:** Ishte më të vërtetë privilegj dhe nder për mua ta marr çmimin personalisht nga një person aq i rëndësishëm i atij vendi siç është Theresa May. Ishte moment krenarie të ecja në atë poligon si kadeti me i mirë ndërkombëtar. Vlen të cekem edhe fjalët e znj. May pas ceremonisë kur mu drejtua personalisht duke me thënë se sa e lumtur ndihet ajo kur sheh forcën tonë në nivel të tillë profesionalizimi. Ajo po ashtu vlerësoi lartë punën që po bëhet në forcën tonë, motivin që kemi për të punuar dhe sakrificat që kjo forcë ka kaluar prej UÇK-së, TMK-së e deri më sot. Znj. May tha se ajo është e gatshme të punojë për së afërmi me Forcën tonë, në një të ardhme të afërt, si aleate e NATO-s.

**Gazeta "Forca Jonë":** Sa jeni i gatshëm ta zbatoni në FSK përvojën e fituar në Akademinë e Londrës?

**Nëntoger Hasanaj:** Të gjitha njohuritë e fituara në Akademinë e Londrës, tash do t'i zbatojë në forcën tonë së bashku me togun tim dhe njësinë time, në mënyrë që të kemi një forcë profesionale dhe shumë të përgatitur. Qëllimi im kryesor është të përkushtohem maksimalisht në ushtri dhe të zhvilloj një karrierë të gjatë ushtarake, si dhe njohuritë dhe fuqinë time t'i vej në shërbim të profesionalizmit të kësaj force që të na kenë lakmi të gjithë.

ka zgjatur plotë 11 muaj dhe jemi testuar kryesisht në degën e këmbësorisë.

**Gazeta "Forca Jonë":** A e keni pritur se do të shpalleni kadeti më i mirë në Akademinë Mbretërore në Angli?

**Nëntoger Hasanaj:** Ky çmim është tejet i rëndësishëm si për mua personalisht ashtu edhe për Forcën e Sigurisë së Kosovës. Është kënaqësi dhe privilegj ta prezantosh vendin dhe të shpërblehesh me çmim të tillë. Nuk mund të them se e kam pritur këtë çmim, për arsye se konkurrenca ishte vërtetë e fortë. Mund të them se që nga fillimi kam shfaqur aftësi të jashtëzakonshme lidhshpi, aftësi këto që i kam mësuar në QSU, dhe po ashtu qysh në fillim tregova përgatitje të lartë fizike dhe

## Tetari i FSK-së Rafet Gashi fitoi garën ndërkombëtare 'Ushtari më i mirë i vitit 2017' të organizuar nga FSK-ja

Në kazermën "Adem Jashari" të Forcës së Sigurisë së Kosovës (FSK), në një ceremoni u bë shpallja e rezultateve të garës së FSK-së dhe garës ndërkombëtare "Ushtari më i mirë i vitit 2017". Garën ndërkombëtare "Ushtari më i mirë i vitit 2017" e fitoi pjesëtari i FSK-së, tetar Rafet Gashi- pjesëtarë i Batalionit të Parë të Brigadës për Reagim të Shpejtë, vendin e dytë ushtaraku nga Kroacia, tetar Ivo Vasiq, ndërsa vendin e tretë po ashtu pjesëtari i FSK-së, ushtar Besnik Nebihu-pjesëtarë i Regjimentit të Mbrojtjes Civile të FSK-së. Gjatë kësaj ceremonie u shpallën edhe rezultatet e garës së FSK-së: „Ushtari më i mirë i vitit 2017“, komandi i FSK-së shtoi: "Viti 2017 Binak Podrimqaku, vendi i dytë tetarit Elvis Hasanaj dhe vendi i tretë ushtarit Mehdi Bajraktari, që të gjithë pjesëtarë të Batalionit të Dytë të Brigadës për Reagim të Shpejtë të FSK-së. Të pranishëm gjatë ndarjes së shpërblimeve për të gjithë garuesit si dhe për më të mirët, ishin edhe komandanti i FSK-së, gjenerallejtnant Rrahman Rama, zëvendës komandanti i Komandës së Forcave Tokësore, gjeneral brigade Gëzim Hazrolli, drejtori i Departamentit për Operacione dhe Trajnime në MFSK, gjeneral brigade Nazmi Brahimaj, komandanti i Komandës së Doktrinës dhe Stërvitjes, gjeneral brigade Enver Cikaqi, shefi i Shtabit të KFT-së, kolonel Naim Haziri, komandanti i Brigadës për Mbështetje Operacionale(BMO), kolonel Avdi Raci, oficerë përfaqësues të vendeve pjesëmarrëse të garës si dhe oficerë e nënoficer të FSK-së.

Me këtë rast, komandanti i FSK-së, gjenerallejtnant Rrahman Rama tha se, gara e FSK-së për ushtarin më të mirë të vitit tanimë është tradicionale dhe në vazhdimësi është një sfidë me të cilën pjesëtarët e FSK-së janë familjarizuar dhe nëpërmjet saj po tregojnë suksese si brenda FSK-së ashtu edhe në gara ndërkombëtare. Më tej, komandanti i FSK-së shtoi: "Viti 2017 Binak Podrimqaku, vendi i dytë tetarit Elvis Hasanaj dhe vendi i tretë ushtarit Mehdi Bajraktari, që të gjithë pjesëtarë të Batalionit të Dytë të Brigadës për Reagim të Shpejtë të FSK-së. Të pranishëm gjatë ndarjes së shpërblimeve për të gjithë garuesit si dhe për më të mirët, ishin edhe komandanti i FSK-së, gjenerallejtnant Rrahman Rama, zëvendës komandanti i Komandës së Forcave Tokësore, gjeneral brigade Gëzim Hazrolli, drejtori i Departamentit për Operacione dhe Trajnime në MFSK, gjeneral brigade Nazmi Brahimaj, komandanti i Komandës së Doktrinës dhe Stërvitjes, gjeneral brigade Enver Cikaqi, shefi i Shtabit të KFT-së, kolonel Naim Haziri, komandanti i Brigadës për Mbështetje Operacionale(BMO), kolonel Avdi Raci, oficerë përfaqësues të vendeve pjesëmarrëse të garës si dhe oficerë e nënoficer të FSK-së.

Me këtë rast, komandanti i FSK-së, gjenerallejtnant Rrahman Rama tha se, gara e FSK-së për ushtarin më të mirë të vitit tanimë është tradicionale dhe në vazhdimësi është një sfidë me të cilën pjesëtarët e FSK-së janë familjarizuar dhe nëpërmjet saj po tregojnë suksese si brenda FSK-së ashtu edhe në gara ndërkombëtare. Më tej, komandanti i FSK-së shtoi: "Viti 2017 Binak Podrimqaku, vendi i dytë tetarit Elvis Hasanaj dhe vendi i tretë ushtarit Mehdi Bajraktari, që të gjithë pjesëtarë të Batalionit të Dytë të Brigadës për Reagim të Shpejtë të FSK-së. Të pranishëm gjatë ndarjes së shpërblimeve për të gjithë garuesit si dhe për më të mirët, ishin edhe komandanti i FSK-së, gjenerallejtnant Rrahman Rama, zëvendës komandanti i Komandës së Forcave Tokësore, gjeneral brigade Gëzim Hazrolli, drejtori i Departamentit për Operacione dhe Trajnime në MFSK, gjeneral brigade Nazmi Brahimaj, komandanti i Komandës së Doktrinës dhe Stërvitjes, gjeneral brigade Enver Cikaqi, shefi i Shtabit të KFT-së, kolonel Naim Haziri, komandanti i Brigadës për Mbështetje Operacionale(BMO), kolonel Avdi Raci, oficerë përfaqësues të vendeve pjesëmarrëse të garës si dhe oficerë e nënoficer të FSK-së.

**Gazeta "Forca Jonë":** Në fund, mesazhi juaj për ushtarët, kadetët dhe nënoficerët e FSK-së?

**Nëntoger Hasanaj:** Ushtarët, kadetët dhe nënoficerët e FSK-së të vazhdojnë të punojnë me motivim dhe përkushtim të lartë, sepse vetëm kështu forca jonë do të jetë gjithmonë në nivelin e duhur. Ju jeni më të rëndësishmit dhe më meritoret që sot FSK-ja është forcë profesionale dhe mjaft e përgatitur me suksese të njëpasnjëshme.



mirë për të rritur ndërveprimin, gatishmërinë fizike, efikasitetin, motivimin dhe në përgjithësi zhvillimin e ushtarëve dhe nënoficerëve, por edhe saktësinë në disa fusha të rëndësishme", shtoi ai. Theksojmë se gara "Ushtarit më i mirë i vitit 2017" filloi më 24 prill dhe vazhdoi deri më 27 prill, ku ushtarët dhe nënoficerët nga të gjitha njësitë e FSK-së dhe nga vendet partnere pjesëmarrëse garuan se bashku dhe treguan përkushtim dhe profesionalizëm të lartë gjatë ekzekutimit të të gjitha detyrave të parashtruara. Në këtë garë morën pjesë 21 garues nga FSK-ja , të cilët garuan për ushtarin më të mirë të FSK-së, dhe 16 garues të cilët garuan për ushtarin me të mirë ndërkombëtar. Përveç Kosovës pjesë e garës ndërkombëtare ishin edhe Shqipëria, Belgjika, Kanadaja, Kroacia, Maqedonia, Turqia dhe Britania e Madhe, të cilat garuan me nga dy pjesëtarë. Gara u zhvillua në këto disiplina: Test fizik, gjuajtje me armë, navigim tokësor, poligon me pengesa, hedhje e granatës, kalimi i zonës së rrezikshme, ndihmë e parë, vëzhgim i terrenit, marshim i shpejtë me ngarkesë dhe testi me shkrim i njohurive ushtarake ( test me shkrim ishte vetëm për garuesit e FSK-së).





## Forca e Sigurisë, Policia e Kosovës dhe KFOR-i realizua ushtrimin e përbashkët 'Shpata e argjendtë 2017-1'

Në kazermën "Evropianët e Rinj" të Regjimentit të Mbrojtjes Civile në Bardh të Vogël dhe në Kampin "Vrellë" në Sllatinë u zhvilluan operacionet e ushtrimit fushor "Shpata e argjendtë 2017-1 (Silver Sabre)", i cili u realizua nën udhëheqjen e KFOR-it në bashkëpunim me njësitë e Forcës së Sigurisë së Kosovës (FSK), Policisë së Kosovës (PK) dhe Agjencisë për Menaxhimin e Emergjencave (EMA). Për ta përcjellë nga afër ushtrimin, që demonstruan këto institucione, të pranishëm ishin edhe drejtori i Drejtorisë për Operacione në Ministrinë e Forcës së Sigurisë së Kosovës, gjeneral brigade Zymer Halimi, zëvendëskomandanti i Komandës së Forcave Tokësore, gjeneral brigade Gëzim Hazrolli, komandanti i Doktrinës dhe

Stërvitjes, gjeneral brigade Enver Cikaqi, ambasadori amerikan në Kosovë, Greg Delawie, zëvendëskomandanti i KFOR-it, gjeneral brigade Christian Rainer, si dhe eprorë të FSK-së, KFOR-it dhe Policisë së Kosovës. Me një fjalë rasti të pranishmëve iu drejtua gjeneral Hazrolli, i cili tha se me këtë ushtrim po testohen kapacitetet operacionale dhe bashkëpunimi mes KFOR-it, FSK-së dhe Policisë së Kosovës. "Falënderoi KFOR-in, për mundësinë që na ka ofruar që institucionet e Kosovës, e sidomos FSK-ja të stërvitet për të tretën herë më radhë, së bashku me njësitë operacionale të KFOR-it, të cilat veprojnë në Kosovë. "Shpata e argjendtë" është një ushtrim në të cilin janë testuar kapacitetet operacionale, si dhe



koordinimi dhe bashkëpunimi me të gjitha institucionet dhe autoritete vendore dhe ndërkombëtare të sigurisë siç janë KFOR-i, FSK-ja, Policia e Kosovës, Agjencia për Menaxhim të Emergjencave". I kënaqur me bashkëpunimin gjatë realizimit të këtij ushtrimi u shpreh edhe zëvendëskomandanti i KFOR-it, gjeneral Rainer, i cili ndër të tjera shtoi: "Ushtrimet e përbashkëta janë një mundësi unike për të bashkuar të gjithë aktorët dhe organizatat relevante, të cilat janë përgjegjëse për krijimin e një ambienti të qetë dhe të sigurt në Kosovë, në përputhje me man-

datin dhe misionin e tyre. KFOR-i ka partneritet afatgjatë pothuajse me të gjitha organizatat ndërkombëtare, këtë më se mirë e dëshmon edhe prania e EULEX-it sot këtu. Kjo është pjesë e qasjes gjithëpërfshirëse të NATO-s dhe KFOR-it, përmes implementimit të energjisë dhe shkëmbimit të informacionit". Gjatë këtij ushtrimi i cili ka filluar më 7 prill dhe ka përfunduar më 13 prill, pjesëtarët të cilët ishin të angazhuar patën mundësinë që përmes ushtrimeve dhe skenarëve të ndryshëm të demonstrojnë profesionalizmin dhe forcën e tyre.

## FSK-ja dhe KFOR-i demoluan mjete të pashpërthyera në shënimin e Ditës Ndërkombëtare të Deminimit

Sot, (4.4.2017) në Poligonin e KFOR-it, në Zatriq të Rahovecit, me rastin e shënimit të Ditës Ndërkombëtare të Deminimit, u organizua një operacion për deminimin -shkatërrimin e mjeteve të pashpërthyera, i cili u realizua nga FSK-ja, KFOR-i, Policia e Kosovës dhe nga disa organizata joqeveritare. Në shënimin e kësaj dite ishin të pranishëm zëvendësministri i FSK-së, z. Muhamet Latifi, gjeneral brigade Zymer Halimi Drejtor i Drejtorisë së Operacioneve,

zëvendës komandanti i Komandës së Forcave Tokësore gjeneral brigade Gëzim Hazrolli, komandanti i Regjimentit të Mbrojtjes Civile, kolonel Shaip Haziri, Ahmet Sallova-shef i Qendrës Koordinuese të Deminimit, si dhe përfaqësues të KFOR-it, Policisë së Kosovës, KFOR-i amerikan-Bonstill dhe organizatat joqeveritare që veprojnë në Kosovë. Pas prezantimit të pajisjeve dhe aktivitetit të Kompanisë së Deminimit të FSK-së, KFOR-it, Policisë së Kosovës

si dhe të organizatave joqeveritare, u mbajt edhe një takim i shkurtër me përfaqësues të mediave. Me këtë rast, zëvendësministri i MFSK-së, z. Muhamet Latifi tha: "Kemi ardhur këtu për të shënuar Ditën Ndërkombëtare të Deminimit dhe për të përcjellë nga afër përgatitjen profesionale dhe kapacitetet operacionale të pjesëtarëve të FSK-së." Ne si Ministri duke e vlerësuar si shumë të rëndësishëm pastrimi i zonave të minuara, i kemi kushuar rëndësi të madhe aftësitë të pjesëtarëve të FSK-së, të cilët po japin kontribut të shkëlqyeshëm në këtë aspekt. Këtu ka ndodhur një luftë e cila ka lënë pasojë shumë të mëdha, ku janë minuar shumë fusha. Pastrimi i këtyre fushave është shumë më rëndësi për ne, sepse përveç se siguron jetën e qytetarëve dhe lëvizjen e tyre të lirë, ndikon edhe në zhvillimin ekonomik, për arsye se shumë prona deri më tani nuk kanë pasur mundësi të shfrytëzohen nga qytetarët". Zëvendësministri Muhamet Latifi theksoi se Kompania e Deminimit, deri më tani ka pastruar nga minat mbi 50 milionë metra katrorë si dhe janë gjetur dhe shkatërruar



88,778 mina dhe mjete tjera të pashpërthyera, me këto kapacitete FSK-ja do të vazhdojë pastrimin e të gjitha pjesëve të minuara të Kosovës. Në emër të Ministrisë, z. Latifi ka falënderuar KFOR-in amerikan, gjerman, zviceran, si dhe SHBA-të për ndihmën që ata kanë ofruar qoftë në pajisje të shumta, qoftë në ngritjen profesionale të pjesëtarëve të Kompanisë së Deminimit. Ndërsa, shefi i Qendrës Koordinuese të Ministrisë së FSK-së, Ahmet Sallova pasqyroi aktivitetet e përgjithshme të Kompanisë së Deminimit të FSK-së. Ai shtoi se, FSK-ja që nga viti 2010 ka pastruar mbi 1.745,465 metra

katrorë si dhe ka shkatërruar 2177 mjete të ndryshme eksplozive të pashpërthyera, kurse ekipet e EOD-së kanë intervenuar në 2136 raste dhe kanë demoluar 3150 mjete të ndryshme eksplozive. Në fund z. Sallova tha se përkundër kësaj pune të madhe të njësitë të deminimit deri më tash, janë ende edhe 111 zona të afektuar nga minat dhe mjetet tjera eksplozive të pashpërthyera. Ai falënderoi Njësitë e deminimit të FSK-së dhe organizatat tjera të përfshira në çminimin e mjeteve të pashpërthyera, të cilat kanë krijuar një mjedis të sigurt në këto fushat që tashmë mundësojnë zhvillimin e jetës normale.





## Brigada për Reagim të Shpejtë e Forcës së Sigurisë së Kosovës ka mbajtur trajnimin "Taktika me njësi të vogla"

Brigada e Reagimit të Shpejtë e Forcës së Sigurisë së Kosovës në Istog, është duke realizuar njërin nga trajnimet me sfidues "Taktikat për njësi të vogla". Për të përcjellë nga afër realizimin e këtij trajnimi dhe disa aktivitete të vazhdueshme të BRSH-së, më 25 prill 2017, ishin të pranishëm edhe ushtruesi i detyrës së komandantit të BRSH-së, kolonel Xhevahir Geci dhe shefi i Shtabit të BRSH-së, nënkolonel Ejup Maqedonci. Me këtë rast kolonel Geci i përgëzoi pjesëmarrësit e këtij trajnimi për angazhimin dhe përkushtimin e treguar deri më tani dhe kërkoi nga ta që të vazhdojnë të angazhohen maksimalisht, sepse ky trajnim është esencial për formësimin dhe profesionalizimin e karrierës së një ushtaraku. Në trajnimin "Taktikat për njësi të vogla" i cili deri më tani është realizuar nga instruktorët e ushtrisë amerikane, tanimë realizohet nga instruktorët e

BRSH-së, ku numri më i madh i pjesëmarrësve në këtë trajnim janë femra dhe kanë mundësi që të trajnohen në disa disiplina: Aftësimi i pjesëtarëve në udhëheqje dhe operim me ekepe dhe skuadra, patrulla, rikonicion, repilim, navigim tokësor ditën dhe natën, prita, reagimi në kontakt, qitje taktike dhe stresuese me armë, operacione urbane si dhe në disiplina tjera të rëndësisë së veçantë për FSK-në. Përveç këtij trajnimi, Brigada e Reagimit të Shpejtë në bazë të planit kalendarik për vitin 2017, është duke realizuar një mori aktiviteteesh të rëndësishme për zhvillimin profesional të pjesëtarëve të saj. Gjatë kësaj periudhe në batalionet e BRSH-së është duke u realizuar faza 4- mujore trajnuese në kuadër të Gjenerimit të Forcës, kurse në Komandën e BRSH-së janë realizuar dy seminare të rëndësishme; „Trajnimi për Lidership" dhe „Procesi i



Vendimmarrjes Ushtarake". Njëra nga prioritet e BRSH-së është edhe përgatitja e pjesëtarëve për aktivitetin "Shqiponja Patrulluese", i cili do të zhvillohet në FSK. Aktivitetet që ka realizuar dhe po realizon Brigada e Reagimit të

Shpejtë kanë ngritur nivelin e përgatitjes profesionale te pjesëtarët e BRSH-së në të gjitha fushat, përkundër që këto aktivitete, kryesisht të nivelit taktik, janë mjaft sfiduese, gatishmëria, vullneti dhe dëshira e pjesëtareve të BRSH-së për trajnim si dhe

mbështetja e pakursyer e lidershit të BRSH-së në çdo kohë shihet në të gjitha njësitë. Falë kësaj, tani këta pjesëtarë posedojnë përgatitje të lartë fizike dhe taktike dhe janë të gatshëm të përballen me të gjitha detyrat që mund t'iu caktohen.

## Oda Zejtare e Dortmundit dhe Oda Ekonomike Kosovës ndihmojnë pjesëtarët e FSK-së

Dje (7 prill 2017) u certifikuan dy pjesëtarë të FSK-së, të cilët për 17 muaj ndoqën një trajnim profesional në fushën e automekanikes. Trajnim u zhvillua nga Oda Zejtare e Dortmundit e mbështetur nga Ministria Federale për Bashkëpunim Ekonomik dhe Zhvillim e Gjermanisë dhe në bashkëpunim të ngushtë me partnerët kosovarë, Oda Ekonomike e Kosovës dhe Shkolla Profesionale "Shtjefën Gjeçovi" në Prishtinë. Trajnimi ka filluar qysh në nëntor të vitit 2015 dhe ka përfunduar më 31 mars të vitit 2017. Ky trajnim/arsimim profesional me elemente të praktikës duale, shkollë-ndërmarrje, është zhvilluar në fushën e automekanikes për mirëmbajtje të mjeteve të motorizuara dhe sipas standardeve gjermane të arsimit profesional. Në ceremoninë përmbyllëse të këtij trajnimi morën pjesë përfaqësues të OZD-së, OEK-së, FSK-së, KFOR-it dhe përfaqësues të shkollës. Provimi praktik dhe teorik është mbajtur



nën mbikëqyrjen e ekspertëve nga OZD-ja, përfaqësuesit e KFOR-it gjerman dhe mësimdhënësit e automekanikes nga shkolla "Shtjefën Gjeçovi". Me këtë rast, z. Wilhelm Hicking, drejtori gjeneral i Odës Zejtare të Dortmundit

tha se; ne besojmë shumë që bashkëpunimi me FSK-në do të vazhdojë edhe në të ardhmen në fusha me interes të përbashkët, bazuar edhe në arritjen e rezultateve të shkëlqyeshme të dy pjesëtarëve të FSK-së, Lavdim

Bajraktarit dhe Agron Abdullahut. Në këtë drejtim kontribut të madh ka dhënë edhe Shkolla Profesionale "Shtjefën Gjeçovi" në Prishtinë, e cila nga Oda Zejtare e Dortmundit është pajisur me aparaturën dhe

sistemin më modern në rajon. Pjesëtarëve të FSK-së, të cilët morë pjesë në këtë trajnim, iu ndanë certifikata nga Wilhelm Hicking, drejtori gjeneral i OZD-së, Ferat Idrizi, drejtor i Agjencisë për Arsim dhe Aftësim Profesional dhe Aftësim për të Rritur në Kosovë dhe Parim Bajrami, sekretar i OEK-së. Gjithashtu, një kontribut të veçantë në trajnimin e pjesëtarëve të FSK-së kanë dhënë edhe ndërmarrjet: "Auto Kaçandolli LLC"(në Prishtinë, "AHP LLC" në Prizren dhe "Baki Automobile - Volkswagen"në Llapnasellë. Bashkëpunimi në mes OZD-së, OEK-së dhe FSK-së, do të vazhdojë edhe në të ardhmen, me qëllim të realizimit të projekteve në fushat më interes të përbashkët dhe posaçërisht në të mirë të pjesëtarëve të FSK-së, tha z. Franc Musolli, përfaqësues i OZD-it dhe koordinator i projekteve të Partneritetit për Arsim Profesional dhe Akademi të Ndërmarrësisë në Kosovë.

## FSK-ja me aktivitete të shumta shënoi Ditën Ndërkombëtare të Tokës

Ministria për Forcën e Sigurisë së Kosovës(MFSK) dhe FSK-ja, në koordinim me Ministrinë e Mjedisit dhe Planifikimit Hapësinor, më 22 prill 2017, me rastin e Ditës Ndërkombëtare të Tokës, organizuan aktivitete të shumta në pastrimin e ambientit, mbjelljen e fidanëve-drurëve dekorativ dhe luleve në shumë qytete të Kosovës. Aksioni për shënimin e Ditës Ndërkombëtare të Tokës u shënua edhe në të gjitha kazermat e FSK-së. Kurse aktiviteti kryesor u mbajt në kazermën "Adem Jashari"

në Prishtinë, ku pjesëtarët e FSK-së, u dalluan me pastrimin e ambientit të kazermës si dhe me mbjelljen e fidanëve të drurëve dekorativ, pishave dhe të luleve. Gjithashtu në kuadër të këtij bashkëpunimi; FSK-ja ka qenë e angazhuar me mjetet teknike dhe personel në mbështetje të MMPH-së, me kamionë dhe ekskavator, në shumë qytete të Kosovës si: në Prishtinë, Ferizaj, Istog, Fushë Kosovë, etj. Në emër të Ministrisë së Mjedisit dhe Planifikimit Hapësinor, për-

shëndeti ministri Ferat Shala, i cili i dha mirënjohje FSK-së, për mbështetjen e MMHP-së. Koordinatori për të gjitha aktivitetet në mes MFSK/KFT-së dhe MMPH-së, nënkolonel Afrim Veseli - Departamenti i BCU-së, të MFSK-së, u shpreh tejet falënderues për bashkëpunimin si dhe për realizimin e aktiviteteve të përgjithshme të FSK-së, jo vetëm në shënimin e Ditës Ndërkombëtare të Tokës, por edhe në afrimin e ndihmës së qytetarëve me mjete logjistike në shumë qytete të Kosovës.





## Orkestra e Ushtrisë turke dhe Forcës së Sigurisë së Kosovës zhvilluan koncert të përbashkët

Në Kazermën „Adem Jashari” në Prishtinë, (21.04.2017) u mbajt një koncert i përbashkët i Orkestrës Muzikore të Forcave të Armatosura të Turqisë në bashkëpunim me Orkestrën e Forcës së Sigurisë së Kosovës (FSK). Për të dëgjuar programin e dy orkestrave të pranishëm ishin zëvendës komandanti i Komandës së Forcave Tokësore (KFT), gjeneral brigade Gëzim Hazrolli, zëvendës komandanti komandanti i Brigadës së Mbështetjes Operacionale (BMO), kolonel Avdi Rraci, shefi i Operativës së KFT-së, kolonel Bashkim Shillova, komandanti i Kontingjentit Turk në Kosovë, kolonel Mustafa Tavazar si dhe oficerë dhe nënoficerë të FSK-së dhe Ushtrisë së Turqisë. Me këtë rast të gjithë të pranishmëve me një fjalë rasti i'u drejtua gjeneral Hazrolli i cili i përshëndeti të gjithë të pranishmit, ndërsa Orkestrën e Ushtrisë turke e



falënderoi për këtë iniciativë dhe bashkëpunim, dhe shtoi se: „në kuadër të ndërtimit të kapaciteteve operacionale një ndër kapacitetet shumë të rëndë-

sishme është edhe Bendi Muzikor”. Në fund gjeneral Hazrolli tha gjithashtu se: „Ne mburremi me kapacitetet që kemi ngritur deri tani dhe me

profesionalizmin e tyre dhe mendoj që shkëmbimi i eksperiencave me Orkestrën Muzikore të ushtrisë turke do të jetë edhe një e arritur pa diskutim që do të

shohim edhe në të ardhmen”. I kënaqur nga realizimi i këtij bashkëpunimi u shpreh edhe komandanti i Kontingjentit ushtarak turk në Kosovë, kolonel Mustafa Tavazar: „Bendi muzikor i ushtrisë së Turqisë së bashku me Orkestrën Frymore të FSK-së na bënë që të përjetojmë qaste të këndshme, jemi mjaft të kënaqur edhe me bendin që ka FSK-ja”. Në fund, kolonel Tavazar Na u shpreh se FSK-ja ka një bend të mrekullueshëm: „Qëllimi ynë është të tregojmë respektin që kemi ndaj Kosovës edhe nëpërmjet shkëmbimeve kulturore”. Gjatë këtij koncerti të gjithë të pranishmit patën mundësi që të argëtohen dhe të shijojnë interpretimin e veprave të mrekullueshme nga këto dy orkestra me ç'rast Orkestra turke befasoj publikun me interpretimin e dy këngëve shqipe të cilat u pritën mjaft mirë nga të gjithë të pranishmit.

## U mbajtte gara humanitare në atletikë "Vrapo me FSK-në - Mitrovica 2017"

Të dielën (11.04.2017) në qytetin e Mitrovicës, Forca e Sigurisë së Kosovës në bashkëpunim me Federatën e Atletikës së Kosovës dhe Komunës së Mitrovicës realizuan garën humanitare në atletikë "Vrapo me FSK-në-Mitrovica 2017" i realizuar nga oficerët e rinj të Forcës së Sigurisë të Kosovës, me q'rast të gjitha fondet e mbledhura, do të shkojnë për familjet në nevojë të kësaj komune. Për ta nderuar dhe përcjellë nga afër këtë ceremoni të pranishëm ishin drejtori i Drejtorisë për Operacione në Ministrinë e Forcës së Sigurisë të Kosovës, gjeneral brigade

Zymer Halimi, nënkryetari i Komunës së Mitrovicës, z. Faruk Mujka, shefi i Shtabit të Komandës së Forcave Tokësore (KFT), kolonel Naim Haziri, ushtrues detyre i Brigadës së Reagimit të Shpejtë (BRSH), kolonel Xhevahir Geci, shefi i Operativës së KFT-së, kolonel Bashkim Shillova si dhe eprorë dhe oficerë të MFSK-së dhe FSK-së. Para fillimit të garës të pranishmeve ju drejtua nënkryetari i Mitrovicës Faruk Mujka i cili falënderoi organizatorët për këtë organizim i cili siç tha z.Mujka „në vetë ka dy porosi mjaft të rëndësishme që të merremi sa më shumë me aktivitetet



sportive dhe të shtrijmë shpirtin e solidaritetit dhe humanizmit dhe ju uroj suksese gjithë pjesëmarrësve në këtë garë". Në vrapimin 10 km, morën pjesë pjesëtarë të FSK-së, KFOR-it, shoqërive joqeveritare, qytetarë të Kosovës i'u bashkua edhe ambasadori i Britanisë së Madhe në Kosovë, Ruairi O'Connell së bashku me bashkëshorten e tij. Të gjithë garuesit arritën që ta përfundojnë me sukses këtë vrap ndërsa tri vendet e para në kategorinë e meshkujve takuan: vendi i parë (medalje e artë) Emin Grajqevci, më nr. 770, vendi i dytë (medalje e argjendtë), Tiron Mamusha, nr. 644 dhe vendi i tretë (medalje të bronzte) Bujar Uka, me nr 788. Në kategorinë e femrave vendin e parë (medaljen e artë) e fitoi Qëndresë Ramadani, me nr 865, vendi i dytë (medalje

argjendtë) Nebahate Maqastena, me nr. 646 dhe vendi i tretë (medalja e bronzte) i takoi oficerit të FSK-së, toger Manushaqe Nura, me nr. 652. Në fund, tri vendeve të para u dhuruan Medalje nga eprorët e FSK-së dhe nënkryetari i Komunës së Mitrovicës, ndërsa gjithë pjesëmarrësit u shpërblyen me Certifikatën e pjesëmarrjes. Vrapit Humanitar "Vrapo me FSK" është një aktivitet i iniciuar dhe organizuar nga oficerët e rinj të Forcës së Sigurisë së Kosovës, me qëllim të promovimit të shëndetit të mirë përmes aktivitetit sportiv, por mbi të gjitha ka vlera humane. Edhe kësaj radhe FSK-ja dëshmoi se është afër qytetarëve të saj, edhe në të ardhmen do të jetë afër tyre, për t'i ndihmuar të gjithë ata që kanë nevojë.